



Uunga Inatsisartunut ilaasortaq  
Doris Jakobsen Jensen  
Siumut

10-02-2023  
Sags nr. 2023 - 3249  
Akt. id. 22512031

Postboks 260  
3900 Nuuk  
Tlf. (+299) 34 50 00  
Fax (+299) 34 63 64  
E-mail: isn@nanoq.gl  
www.naalakkersuisut.gl

## § 37 naapertorlugu pisortanit ikiorsiissutit pillugit apeqqummut nr. 044-2023-mut akissut

Asasara Doris Jakobsen Jensen

Apeqqutinut qujanaq. Apeqqutit ataasiakkaarlugit ataani allanneqarput, kingornalu akissutaat.

### **1. Inuit arlaatigut sulisinnaanerat pisinnaajunnaartillutik ikiorsiissutinik piaartumik pisinnaappat? “Piaartumik” paasineqassaaq ingerlaannaq sulisinnaajunnaarneq piinnavittoq aningaasanik ikiorsiissutinik pisalerlutik.**

Inuit pilersuisinnaajunnaarpata aamma suliffissaqannginneq, napparsimaneq imaluunniit allatigut sulisinnaannginneq pissutigalugu imminnut pilersorsinnaanngippata inummik aningaasaqarnikkut tapersersuinissamut pisortanit ikiorsiissutit periarfissiipput.

Pisortanit ikiorsiissutit pillugit inatsit atuuttoq malillugu pilersuinnermut siumoortumik ikiorsiisoqartarpoq. Kommuniq qinnuteqaat piaartumik suliarissavaa, kisianni suliamik suliarinninnermut piffissaqassasoq naatsorsuutigisariaqarpoq.

Innuttaasoq sulisinnaajunnaarpat, sulisinnaajunnaarnissani tikillugu pilersuusimappat, pisortanit ikiorsiissutit pillugit qinnuteqaat pillugu aalajangiinnermi pilersuinissaq sillimaffigineqassaaq.

Innuttaasut qaammatit pingasut siuliini sapaatip akunneranut minnerpaamik nalunaaquttap akunneri 14-it sulisimappata, suliffeerunnermi ikiorsiissutit pillugit qinnuteqarsinnaapput. Ikiorsiineq tamanna kingumoortumik tunniunneqartarpoq pisuussutit aamma aapparisaq/inooqatigisap isertitai apeqqutaatinneqartarnatik.

### **2. Inatsisit maleruagassallu pioreersut malillugit, inuit sulisinnaajunnaartut, soorlu suliffimmini ajutoorsimaneq patsisigalugu, qanoq sukkatigisumik ikiorsiissuteqalernissaminnut pisinnaatitaaffeqarpat, suullu inatsisitigut allatigullu qulakkeerneqaaqqartussaappat? Sukkassuseq imatut paasineqassaaq qaqugukkut aningaasat ikiorsiissutit inuk pineqartumut anngunneqartussaataappat.**



Naatsorsuutigisariaqarpoq, innuttaasooq sulitilluni ajutoorpat atorfeqarnermut pissutsinut ilaasoq. Pineqartoq qaammatit pingasut sinnerlugit atorfeqarsimappat aamma sapaatip akunneranut minnerpaamik nalunaaquttap akunneri 14-it sulisimappat, pineqartoq napparsimalermermi ulloq siullermit suliffeerunnermi ikiorsiissutinik pinsinnaatitaavoq. Ikiorsiissutit tunniunneqartarput sillimmasiinermermi ikiorsiissutit ataavartut aallartinnissaata tungaanut. Suliffeerunnermi ikiorsiissutit tunniunneqartarput sapaatip akunneri 13-it angullugit. Suliffeerunnermi ikiorsiissutit kingumoortumik ullut 14-ikkaarlugit tunniunneqartarput.

Inuit sulitillutik ajutoortut aamma qaammatit pingasut inorlugit atorfeqarpata aamma/imaluunniit sapaatip akunneranut minnerpaamik nalunaaquttap akunneri 14-it sulisimappata, pisortanit ikiorsiissutit pillugit malittarisassat malillugit ikiorsiissutinik qinnuteqarsinnaapput. Apeqquummut 1-imut akissut takuuk.

### **3. Ikiorsiissutinik piaartumik pisarnissaq piviusunngortinniassagaanni, inatsisit maleruagassallu allanngortitassat allanngortinneqarsinnaasulluunniit sorlerpiaappat?**

Inuit atorfeqartut 1.7.2023-p kingorna sulitillutik ajutoorpata suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersoq malillugu suliffissarsiortunut ikiorsiissutit pillugit malittarisassani ilaatinneqassapput.

Malittarisassat nutaat malillugit innuttaasut napparsimasutut nalunaartut pitsaaneruseqarnermi inissinneqassapput, imaalillugu piffissaq ikiorsiissuteqarfiusoq qaammatinut arfinilinnut sivitsorneqarmat sivitsorneqarnissaanullu periarfissaqarluni. Suliffissarsiortunut ikiorsiissutit pisuussutit imaluunniit aapparisaq/inooqatigisaq isertitaanik apeqquataatinneqanngillat.

Pisortanit ikiorsiissutinik tassanngaannartumik pisariaqartitsineq pissutigalugu piaartumik pinsinnaatitaaneq Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq nalimmassaavoq. Inatsisartut inatsisaat atuutilissaaq ulloq 1. juli 2023.

### **4. Naalakkersuisut pissusissamisoorippaat inuit Nunatsinni patsiseqarlutik, soorlu sulinermi ajutoornermi aqquusaagaqarnermilu sulisinnaajunnaartut sulisinnaajunnaarallartullu piaartumik ikiorsiissutinik pissarsipallassinnaasarnissaat?**

Naalakkersuisut kissaateqanngillat innuttaasut ullutsinni Kalaallit Nunaanni pisuussutigingisaminnik ataavartumik piffissalluunniit ilaannaani sulisinnaajunnaasasut, assersuutigalugu sulitilluni ajutoornerup kingunerisaanik pilersuisinnaanermik pinsinnaajunnaarlutik.

Inussiarnersumik inuulluaqqusillunga

Jess Svane